

DISSERTATIO INAUGURALIS MEDICA  
DE

# DYSENTERIA

ANNI MDCCXXVI EPIDEMICA  
QVAM

PROPITIO NUMINE DIVINO

PRÆSIDE

N. FRIDERICO HOFFMANNO

FACULTATIS MEDICÆ SENIORE ET h. t. DECANO

PRO LICENTIA

USQUE IN MEDICINA HONORIBVS ET PRIVILEGIIS DOCTO-  
RALIBVS LEGITIME IMPETRANDIS.


AD. D. FEBR. A. R. S. MDCCXXVII.

solenni eruditorum examini sistet

AVCTOR ET RESPONDENS

IOANNES CHRISTOPHORVS MARGGRAFF.

DORNBURGO - VINARIENSIS.



HALAE MAGDEBURGICAE,

Typis IO. CHRISTIANI HILLIGERI Acad. Typ.



DISSECTATIO ANATOMICA

# ANATOMIA

ANATOMIA

PROPTER INVENIENDUM

RESIDUUM

FRIDERICO HOFFMANNO

PROFESSORI MEDICINAE SENIORI ET P. DECANO

PRO LICENTIA

AD IN MEDICINAM HONORARIIS ET PRIVILEGIIS DIGNIS

CAUSAS LEGITIME DEFENDENDIS

AD A. 1700. A. 1701. A. 1702.

JOHANNI ANTONIO

AVCTOR ET RESPONDENS

IOHANNES CHRISTOPHORUS MARGGRAVE

DE

ANATOMIA

IN ANATOMIA

IN ANATOMIA





DISSERTATIO INAUGURALIS MEDICA.  
DE  
**DYSENTERIA**  
ANNI MDCCXXVI. EPIDEMICA

PROOEMIUM.



**I**nter eas, quas Hippocrates indefessus æque ac felicissimus Naturæ scrutator veritates reliquit, non minorem sane merentur attentionem, quæ in Aphorismor. Libr. III. aphorismo III. annotatæ leguntur. Ibi enim gravissimus senex experientiæ suffragio fultus perspicue causas illas edocet, quæ pro sua diversitate diversa etiam morborum schemata & symptomata inducere, iisque affectum, vel benigniorem, vel deteriolem, reddere possunt. Verba sunt: τῶν νέσων ἄλλαι πρὸς ἄλλας ἐν ἡ κακῶς παφύκασιν; καὶ ἡλικία τινὲς πρὸς ὥρας, καὶ χώρας, καὶ διαίτας: Quæ quidem



Heurnius ita interpretatur, ut qui sub illis lateat sensus, minus perspicue inclarescat; vertit enim: morborum alii & ætates aliæ facile aut ægre sunt comparatæ ad alia tempora & regiones & ætates. Rectius autem pro simplici verborum significato & constructione ita vertuntur: morborum alii erga alios bene vel male se habent & ætates quædam (scilicet *εὐ ἢ κακῶς πεφύκασι*) (bene vel male se habent) ad tempora regiones & diætās. Atque ex his non tantum sensum verborum elucescere, sed etiam multa paucis dicta esse animadvertimus, si quidem Hippocraticam in dicendo brevitatem & aphoristicum scripturæ genus consideremus. Idem enim est quasi dixisset: morbi non modo inter se comparati, vel benigniores vel maligniores existunt, sed etiam ætates quædam, vel commodius, vel ægrius, morbos ferunt pro temporum varietate, regionum diverso situ & diætārum congruo vel incongruo usu. Quod assertum adeo veritati amicum est, ut ab antiquis illis seculis ad nostra usque tempora fuerit confirmatum. Quid enim in ægrotorum curatione frequentius? quam morbos experiri diversos pro ætatis, subiecti, regionum, tempestatum, & diætæ diversâ ratione, quæ omnia ut in se diversa. ita & diversa morborum schemata accelerare observantur. Et hoc assertum non solum in genere de morbis valet, sed de singulo etiam morbo adfectu speciatim fere prædicare possumus, illum per rerum modo dictarum diversam conditionem reddi vel mitiorem, vel magis exacerbatum. Non fert autem instituti ratio, ut de his fufius expo-

expo-



exponamus, sufficiet assertionem nostram confirmare per dysenteriam anno præterito epidemice grassantem. Nam & hæc, testantibus viris praxi celeberrimis, pro diversa naturarum, ætatis, tempestatum & diætæ conditione, diversa plane schemata manifestavit. Eam ob causam non inutile fore judicavi, hoc thema in Dissertatione hac inaugurali evolvere, eaque cum publico communicare, quæ partim ex aliorum, partim propria experientia in patria præsertim, ubi tunc temporis degere contigit, de dysenterię diversitate observavi, quæ licet non sint ad curiosæ novitatis palatum, erunt tamen in historiæ morborum practicæ, cui hunc qualemunque laborem potissimum dicavi, proficuum supplementum. Et ut hunc finem attingamus, adsit nobis humillime voveo Numen supremum.

§. I.

**Q**Uæ de dysenteria benigniore & minus maligna passim annotata sunt, videlicet differentię, signa diagnostica atque prognostica, causæ vulgatæ & reliqua, illa hic prætermittenda per compendii rationem iudicamus, & ut mox illucescat, quam longe epidemica nostra atque maligna dysenteria, a benignioribus illis sanguinis fluxionibus differat, illam describimus quod fuerit.

§. II.

Fluxus alvi valde torminosus, & dejectione



materiæ acris, biliosæ, rosivæ, in aliis fatis copiosæ, in aliis, iisque plurimis, parcissimæ, vel plane mucidæ ulcerosæ, vel paucis striis cruentis notatæ, vel omnino cruentæ conspicuus, adfligente tenesmo, deo dolore, torsione acri circa ani exitum morficante, epidemicus quidem & ex parte fatis benignus, ex parte vero accedentibus febribus iam hæmitritæis ac quartanis, iam acutis, fatis etiam in multis locis malignus, ad eliminationem maligni miasmatis, partim in intestinis, partim in massa sanginea obvii, a natura destinatus.

### §. III.

Diversimode ergo dysenteria se gessit, non enim in omnes æque benigna & maligna, nec etiam pari malignitate in omnes extitit, sed epidemice quidem agrorum & urbium varia loca occupans, multa tamen egit lenitate, ut ex magno decumbentium numero, minima saltem pars deleteriam eius vim passa fuerit. Accidit & hoc, quod sæpissime fieri solet, ut ex incauta, imo empirica huius mali tractatione, ubi ad opiata, adstringentia & alia noxia & periculosa eiusdem generis remedia, tanquam ad sacram anchoram properarunt, & ex perniciæ ipsis insciis salutem quæsierunt, vel magis ex corporis plethorici, cacochymici, labe quadam interna infecti prava constitutione, quam solius dysenterię noxa, multi sint mortui.

### §. IV.

Satis malignum vero aliarum regionum tractibus sese præbuit hic adfectus, inque malignitatis gradu diversus aliis locis & aliis individuis malignior



gnior ac aliis fuit, ita ut quibusdam, præter sum-  
mos huic affectui quasi proprios cruciatus, febris in-  
termittens & hæmitritæa vel quartana sociata fue-  
rit, perspicuo satis testimonio, miasma contagio-  
sum epidemicum non modo in primis ita dictis viis  
hæsisse, sed internis sanguineæ massæ iam fuisse com-  
municatum, aliis vero acuta cum inflammatoria  
febris accessit & summe iam periclitantem vitæ sta-  
tum reddidit graviolem, quid? quod postea gra-  
vissima tandem tormina miseros ægros sine mora  
iugulaverunt.

§. V.

Tres ergo commode anni præteriti dysen-  
teria constituit classes. Prior maiorem ægrotorum  
numerum continens fuit epidemica quidem, sed ad-  
modum benigna, ut quidam ægrotorum, in hac  
etiam urbe & suburbiis, non semper in lecto detine-  
ri debuerint. Licet vero periculum ex hac dysen-  
teriæ specie haud metuendum fuit, interim tamen  
improvidus remediorum usus & continentia negle-  
cta in statum periculosum eam transtulerunt. Altera  
minus maligna appellari potest; malignatum propter  
febris intermittens hæmitritæi vel quartanæ com-  
plicationem, quæ miasma humoribus iam insinua-  
tum esse denotat, & symptomatum exacerbationem,  
tum etiam propter miasmatis contagiosi in alia sub-  
iecta faciliorem propagationem; minus vero maligna,  
quia non æque contagiosa ac posterior fuit & ma-  
ior ægrotorum numerus sub debito regimine & dex-  
tro remediorum usu inde evasit. Tertia malignam  
κατ' ἐξοχήν ita dicendam includit, hæc febre acuta  
feu



seu inflammatoria, vel propter intestinorum inflammationem, vel miasmatis subtilioris orgastici humoribus communicati complicationem, accedente, stipata fuit. Titulo enim suo satis dignam se gessit, non modo symptomatum quod attinet ferociam, sed contagii etiam summum gradum, subitaneum in aliis progressum & lethalem plurimorum eo correptorum eventum,

### §. VI.

Vtraque vero, & minus maligna, & ea, quam κατ' ἐξοχήν malignam appellavimus, statim ab initio summa virium prostratione & appetitu plane deiecto, mox torminibus & cruciatibus in abdomine sensibilissimis, cum anxietate præcordiorum & insignibus cardialgicis afflictionibus, nec non vomendi conatibus, raro vero in actuales vomitus erumpentibus, sese manifestabat. Tenesmus, intercurfantibus horripilationibus vagis & phlogosibus, accedebat, & desidendi frequentiori conatu adeo vexabantur patientes, ut quadragesies vel quinquagesies de die vix huic molestissimo excernendi stimulo satisfacerent, & ultra etiam hunc numerum desiderare cogerentur, materiam primo mucosam, post sanguine paululum tinctam, deinde carneam (gleich als geschabt Fleisch) tandem sanguineam sinceram excernendo. Interdum etiam species quædam fluxus hepatici dysenteriae vices explere videbatur, dum materiam flavam, brunam, seu loturæ instar carniuni, ad 30. vices inter diem & noctem per aliquot sæpe septimanas excretam reddiderunt. Cuius rei exemplum in patria versanti mihi obtigit, ubi vir satis robustus per septem



septem septimanas eiusmodi alvino fluxui obnoxius tandem convaluit.

§. VII.

Non ad minora vero huius dysenteriae momenta pertinere videtur, quod contra tempus consuetum, mense scilicet Junio, ineunte ergo æstate, in his iam locis increbuerit, cum Augusti & Septembris mensibus ordinarie grassari observetur; hinc vulgares illæ causæ ex fructuum horæorum inconsiderato usu, vel nimia eorum ingurgitatione petitiæ, locum invenire haud possunt. Ratio enim dysentericæ grassationis in promptu est, quando fructus vel nondum perfecte maturi, vel etiam maturi, succo tamen facile fermentante præditi, inter quos pruna præsertim flava dulcia & mala persica eminent, ieiuno tempore comeduntur, aut magna copia ingeruntur, siquidem ingesti & primam in ventriculo concoctionem perpeffi, inque duodeno subtilius resoluti, fermentativam indolem acquirunt, accedente insuper bilis affusione, qua acriores facti, nerveas intestinorum præcipue tenuium exquisitè sensibiles tunicas moleste stimulant, unde spasmi, tormina aliaque symptomata provocantur.

§. VIII.

Iam vero constat, eo tempore, quo in his locis dysenteria grassari cœpit, fructus nec tum ex flore editos fuisse, hinc ne immaturos quidem, tantum abest magna copia, ingeri potuisse, aliis ergo causis dysenteriam provocandi æque capacibus, ac fructus sunt immaturi, vel magna copia ingesti, hanc



ortum suum debere certum est. Quotidiana enim testatur experientia, non singulis annis dysenteriam hominum genus in singulis regionum tractibus affligere, licet multa fructuum omnis generis copia abundant, hinc illis solis causam tribuere rationi haud convenire videtur. Cognitum vero satis est, æstivo tempore, cerevisias communiter male constitutas esse, vel recentes, impuras, crassas & multis fecibus refertas, vel si ipsam aciditatem nondum contraxerint, ad minimum acescentes, fitis, quæ tunc temporis plus urget ac alio, strenuam illius ingestionem necessitat, præsertim in hominibus activis, laboriosis, agrum colentibus vel alia negotia laboriosa exercentibus, replentur ergo & onerantur primæ viæ variis impuritatibus acescentibus & fermentabilibus, quæ, ut in actum, deducantur, expectant causam procatarcticam, qualis est post exæstuationem, liberior auræ frigidæ admissio, quando vespertino præcipue tempore, sub diluculo, corpus laboribus defatigatum & denudatum, vel lenissime tectum, auræ eiusmodi exponunt, & sic non raro dysenterię fomitem immo occasionem suppeditant.

#### §. IX.

Non raro etiam specialis quædam labes principiorum impurorum salinorum causticorum, mixtioni animali valde noxiorum fructibus, aliisque vegetabilibus edulibus insinuat, quibus si deinde vescuntur homines, vel etiam animalia bruta ingerunt eiusmodi principia, malignitate sua noxam & solidis & fluidis inferunt varioque modo cœcono-



nomiam [vitalem turbant , ut hac ratione morbo-  
sus dysenteriae affectus facile inducatur. Hinc ori-  
untur quoque dirae illae brutorum strages non ad-  
modum raræ , quæ ex herbarum infectarum esu  
contingunt.

§. X.

Ortum vero eius contagii quod attinet, mul-  
ti iique plurimi illud plantis, herbis ac arborum fo-  
liis ex rore communicari putant, unde nomen ger-  
manicum *Mehl-Thau*; alii terræ effluvia huius ro-  
ris verminosi causam accusant, alii vero ex ipsis plan-  
tis hoc contagii genus transudare existimant; quæ  
quidem sententiæ utroque modo disputari possunt,  
prior vero mihi duabus posterioribus videtur in-  
firmior, cum eiusmodi ros verminosus vere ex æ-  
re descendens, omnino non inferioribus sed superi-  
oribus herbarum & foliorum partibus adhæreret.  
Est vero hic ros summæ noxiæ indolis, insecta e-  
nim in sua substantia principium salis caustici, acris  
corrosivi continent, hinc etiam exigui illi vermicu-  
li, qui in rore descendere creduntur, principio eo-  
dem præditi, si cum fructibus vel aliis herbis edu-  
libus intra corpus assumuntur, caustico illo principio  
partes viscerum vitalium, quas contingunt, stimu-  
lant, rodunt, vellicant, & sic affluxum feri acris  
ex glandulis [intestinorum transudantis provocant,  
qua unita vi demum diarrhææ ac tandem dysente-  
riæ invadendæ causa suppeditatur.

§. XI.

His vero causis in epidemica [mali invasio-  
ne iungitur adhuc alia multo insignior, sine qua re-



censitæ iam causæ vix tam efficaces sunt, ut epidemicum contagium inferre queant. Contingit enim aliquando, ut malum hoc funeste satis sævire observetur, cum tamen nec fructus, nec cerevisiarum mala constitutio, nec etiam specifica labes inculpari possint. Causam ergo in solis ingestis, licet non excludenda sunt, haud esse ponendam, ipsa res loquitur, singulis enim fere annis hic affectus extimescendus foret; unde cerevisiæ male coctæ & haustæ, fructus horrei vel immaturi, vel nimia, quam par est, copia ingesti, labes specifica ex rore noxio communicata, suppeditant mali huius fomitem, qui ab aliis accidentibus ita disponitur, ut inde malum dysentericum nascatur.

#### §. XII.

Insigniorem autem hancce causam, ipsum iam Hippocratem in suis Aphorismis annotasse legimus. Is enim libro III. aphor. quidem XI. perspicuis verbis varias tempestatum mutationes dysenterias non modo invitare, sed necessitare etiam edisserit, imo de huius rei certitudine adeo persuasus est, ut conspectum earum tempestatum depingere haud dubitet. Eius vero verba hæc sunt: *περί δὲ τῶν ὀρέων* &c. &c. Tempestates quod attinet, post hiemem siccam & aquiloneam, si ver pluviosum & austrinum fuerit, æstate necesse est, febres acutas & ophthalmias & dysenterias fieri, quæ tanta animi constantia dicta sunt, ut merito dubii reddamur num hac sola experientia anne arte etiam magistra perspicacissimus senex ita adfirmaverit. Rationem a priori scrutantes, non errare videmus, cum mul-



multis doctis asserendo, mutationes tempestatum magnam vim in animale corpus exercere, ita ut pro alteratione tempestatum, corpus etiam diversimode alteretur. Si ergo per hyemem ficcam & aquiloneam fibræ strictiores & rigidiores factæ, non modo multis excernendis impuritatibus exitum præcludunt, sed & per pluviosum & austrinum ver relaxatæ, per apertos cutis poros varias ex atmosphæra impuritates magna copia intra corpus assumunt, æstate deinde calida & sicca insequente, hæ impuritates iterum expanduntur, aliosque dispositos humores simul in fermentativam indolem abripiunt, cui causæ προηγμένη, si quædam procatarctica iungitur, facile inde emergit malum dysentericum. A posteriori hæc observatio, licet magna inter Hippocratis & nostrum clima intercedit differentia, apte tamen ad temporum, quæ nostram dysenteriam præcefferunt, conditionem applicari potest, fuit enim hyems sicca & aquilonea, ver pluviosum & austrinum, & dysenteriam multi omnino funestam experti sunt.

§. XIII.

Si ergo tempestatis frigida & calida, sicca & humida, varie quidem, simpliciter tamen mutata, tanta est vis, ut sanitatis optimum in pessimum transmutare statum possit, quidni poterit miasmate specifico, contagioso, quale est dysentericum referta, præcipue illis causis, quarum nunc mentionem iniicimus, ipsi iunctis? quæ unita vis, omnibus illis adminiculis instructa est, quibus malum epidemicum generari & foveri potest.



## §. XIV.

Optimo igitur iure ex his inferre licet, plures omnino adfuisse causas, quæ dysenteriam hoc anno grassantem, licet extra consuetum tempus, conspiciam invitarent. Tempestates enim dysenteriarum antecessores, fuerunt tales, quales vi aphorismi Hippocratici esse debent, quæ, ut cum auctore loquar, dysenterias necessitant. Deinde æstas insequens fuit sicca & fervida, aquas in fontibus & stagnis putridas & cerevisias, iam iuniores & male defæcatas acescentes reddere, quas æstu insigni existente, ad sitim extinguendam avidè hauserunt rusticolæ, aliique inferioris, quandoque etiam eminentioris sortis homines, in quibus malum generatum & ad alios deportatum est. Porro in quibusdam regionum plagis rorem eiusmodi noxium observatum esse constat. Demum atmospheræ qualitatem contagiosam ad mali huius epidemicam grassationem plurimum contribuisse, ipsius insultus, progressus & eventus attestatur, quæ pluribus persequi instituti ratio prohibet, his tantum addo, quod in atmosfera tali contagiosa aer refertus sit principiis specificis fermentationi suscitandæ idoneis, quæ sub inspiratione admissa, & humoribus innidulata, fermentativa suæ indole eos alterare incipiunt, hinc œconomix vitali valde inimica sero humorum superfluo involvuntur & instituta per glandulas intestinorum secretionem, per alvum excernuntur, ante excretionem vero propter alvinarum impuritatem & bilis præprimis excrementitiæ admixtionem, acrem & causticam illam acquirunt indolem, qua sensibiles admodum

inte-



intestinorum tunicas exquisitis doloribus vellicare percipiuntur.

§. XV.

Communiter vero malum hoc locis & regionibus planis gravius existit, quemadmodum etiam observationes Jenæ eiusque locis vicinis factæ dysenteriam 1717. & 19. plagarum campestrium incolis magis infestam fuisse tradunt. Ratio quæ allegari solet, est, quod atmosphæræ impuritates in planitie non æque ac in celsioribus locis aeris liberioris transitu & ventorum multiplicato spiramine dissipari & removeri possint. Notatu vero dignum est, præterito anno dysenteriam etiam in his locis aliam se gessisse, ac aliis temporibus, quæ enim campestris regiones dysenteria prioribus annis valde obnoxia visa sunt, anno præterito ab eadem fere immunes extiterunt, contra ea, celsiores tractus prioribus annis a dysenteria fere immunes, præterito anno eidem obnoxii observati sunt. Contradictionem hæc involvere videntur, conciliari autem inter se arbitror; si enim verum est, aeri inesse, eoque inspirari contagium epidemicum & pro varia ventorum natura atmosphæræ insinuari, veritati etiam non contraria hæc ratio, qua asserimus, contagium anni præteriti epidemicum, ventis fuisse adductum & magis celsioribus, utpote ventorum flatibus admodum expositis, quam campestribus regionibus eorum insultui non ita subiectis, fuisse insinuatum.

§. XVI.

Ipsam vero dysenteriam quod attinet, in genere



nere notandum est, quod urbem hanc & suburbia concernit, epidemicam quidem, sed satis benignam fuisse, aliis vero in nostra vicinia locis extitisse maligniorem & periculosiorem. Quanquam vero nobis benignior fuerit, per malum tamen regimen & empiricas medicationes, indoli adfectus admodum contrarias, maligna utique facta est, febrilibus commotionibus, imo acuta febre, insignis, qua tandem ægri mortui sunt. Deinde qui Medici vel potius Empirici hunc morbum præpostere tractantes adstringentibus, facta nulla decenti miasmatis acrioris per congrua remedia alteratione & neglecta debita absterfione, salutaribus harum impuritatum excretionibus sese opposuerunt, vel gravissimam partium inflammationem arcefferunt, vel sub optimo empiriæ successu, malum cum gravissimis præcordiorum anxietatibus & maioribus tenesmodeis afflictionibus auctum. Tum potus frigidus in genere summe noxius fuit, inprimis cerevisia, quæ calida etiam maiores anxietates & dolores ac insigniora in abdomine tormina excitavit. Refrigeratio quæcunque malum gravius, fomentationes vero, præprimis regionis umbilicalis, (*warne Maagen-Steine öfters aufgelegt,*) dolores mitiores reddiderunt. Post appetitus deiectus gravem hunc affectum esse, graviorem vero, imo malignum, febris complicatio significavit, quod iam ab Hippocrate observatum legimus aphorism. L. VI. aph. III. ibi enim ait ἐν τῇσι μακρῇσι δυσεντερήσιν αἱ ἀποσιτίαι κακόν καὶ οὖν πυρετῶ κακίον. In longis dysenteriis inappetentiæ malum, & cum febre peius. Porro virium cum prima mali accessione



sione summa prostratio ut plurimum funesta fuit. Ita & illi, qui hausto dysenteriae contagio, atrocibus cruciatibus mox torquebantur, erumpente postea largissimo sudore, sub eadem torminum atrociam & excretionum per inferiora pariori successu, nausea vero & vomendi conatu maiori, vix evaserunt. Tandem, quæ dysenteria antea cum febre continua erat coniuncta, deinde febris hæmitritæa, vel corrupta alia stipabatur, funestum ut plurimum exitum sortita est, vel saltem in lentam hecticamque febrem cum tumoribus œdematosis transiit. Denique si descensus potulentorum sonorosus, musculorum œsophagi paralyfin denotans, accedebat, vel partes externæ per aliquot dies gelidæ certissimo inflammationis præsentis indicio conspiciebantur, pessimum fuit imo lethale indicium.

#### §. XVII.

Adfectu ergo hoc propter subtilem & summam nocendi facultatem ita noxio & periculoso existente, multi sane multa tentarunt, ut talia invenirent adminicula, quibus ferociori eius decursui habenas iniicerent. Plures vero causarum huius mali eiusque genuinæ indolis inscii, molimen salutare naturæ, eo directum, ut miasma acre biliosum fermentativum strenue e corpore eliminaretur, pro causa ipsa morbifica agnoverunt, hinc omnem in materia medica adstringentium nec non opiatorum apparatus conquirentes, materiæ noxiæ & contagiosæ excretionem sistere studuerunt.

#### §. XVIII.

Infaustum vero eiusmodi tentamen non modo



do a Medicis prudentioribus rem rectius æstiman-  
tibus agnitum, sed ex sana etiam theoria medica  
proscriptum est, utpote qui morbi indolem penitus  
introspectantes & accuratius agnoscentes, causam  
mali in materia acri, biliosa subtili, fermentativæ  
indolis consistere, eo unice intenti fuere, ut obtu-  
fiseius materiæ principiis acrioribus, biliosis ipsa de-  
mum debita abstersione pro varia naturæ intentio-  
ne, partim per alvum, partim etiam per cutis tran-  
spirationem, eliminaretur. Hinc etiam in fontico il-  
lo statu quando alvinæ excretiones suppressæ sunt,  
suadent usum clysterum ad eas denuo invitandas  
admodum utiles.

#### §. XIX.

Duplex autem in medendi methodo respec-  
tus habendus est, qui in huius etiam dysenterię  
recta tractatione locum habuit, nimirum num illa  
benigna sit, vel maligna existat. Benignam quod  
attinet, eo præcipue medentis animus directus sit  
ut I. si ventriculus impuritatibus ex diæta incondita  
collectis repletus videretur, illæ quantocyus per con-  
gruum aliquod remedium, quale est Ipecacuanha,  
præsertim in morbi principio & subiectis viribus  
nondum exhaustis, removeantur. Præscribitur hæc  
radix, quæ specifici effectus esse dicitur, ad dragmæ  
dimidium, & altero die, pro morbi & subiecti condi-  
tione repetitur. II. ut materia corrupta, acris, putre-  
fcens, acri & fermentativa sua indole partium tex-  
turam lædens involvatur, temperetur & absterga-  
tur. Conducunt hic varii generis remedia, absor-  
bentia selectiora, pilul. balsam. clyster. ex fursuri-  
bus



bus tritici, fl. cham. vitell. ovor. sero lactis, sevo hircin. compositi, præcipue vero rhabbarum in substantia, tanquam remedium tutissimum & multiplici experientia probatum tempore matutino exhibeatur & per plures dies eius usus repetatur. Ill. Spasmi leniantur per satis tuta & selectiora anodyna, qualia se comprobarunt theriac. Androm. ad scrupulos II. MP. de cynogl. gr. j-ij cort. cascarill. aliis remediis mixta & vesperi propinata. His sociari potest pro eadem intentione aquæ, ut vulgo vocant, reginæ Hungariæ, linteo duplicato calide infusæ ad regionem umbilicalem applicatio, vel aliud eiusmodi remedium, quod dolorum atrociam sine aliquo damno lenit. Vnde remedium, quod multis ex usu est, oleum nempe amygdalarum dulcium, nisi acerba adsint tormina, non facile dandum, ob atoniam quam inducit, cum spiritu vini datum non sedat, sed auget dolores. Idem iudicium de oleo olivar. cum saccharo & spiritu vini vel aceto mixto ferendum, quod licet nonnulli cum euphoria adhibuerint, pessimum tamen inde effectum notavi in ægro 30. annor. temperamenti sanguin. melanchol. qui fluxu dysenterico corripiebatur, impatiens autem oleum olivar. cum spiritu vini & aceto destillato, mixtum ingurgitavit, sæpius repetendo, quo etiam fluxus demum cessavit, sensit autem durtiem in hypochondrio sinistro summopere dolentem, & illo tempore, quo dysenteria cessavit, diarrhæa cum tenesmo excruciauit, dolore in hypochondrio sinistro indies increbescente, auxilium carnificis cuiusdam quæsivit, qui axungiam cani-



ninam & alia evaporista medicamina propinavit. Si-  
 stebatur demum diarrhæa, dolor autem augmentabatur,  
 febris lenta cum phlogosis accedebat, in hecticam  
 transiens. IV. Si dolorum cruciatus mitiores reddun-  
 tur & cum viribus redeuntibus deiectiones minuuntur,  
 robur partibus concilietur, quo variæ remediorum  
 compositiones aromaticorum, stomachicorum, quale  
 est miva cydon, roob fructuum sorbi, nec non vinum  
 Pontac, Hungariense & Canariense, spectant. V. Deni-  
 que æqualis humorum partim per moderatum calorem,  
 partim per lenia diaphoretica promoveatur distributio,  
 ne per novum contagii ad intestina decubitus, malum  
 eo gravius recrudescat, sed potius per lenem transpi-  
 rationem sensim atque sensim eliminetur.

§. XX.

Maiorem vero ac benigna dysenteria febris dy-  
 senterica meretur attentionem, in qua iterum duplex  
 scopus partim ad alvi fluxum, partim ad febris legiti-  
 mum decursum respiciens, observandus est. Vtrum-  
 que impetratur, si principalissima cura feberi impendi-  
 tur, quæ si legitime tractatur, alvi fluxus cum reliquis  
 symptomatibus facile cessat. Gravissime ergo impingunt,  
 qui vomitoriis & purgantibus materiam peccantem eva-  
 cuare intendunt, quæ omnino dissuadenda sunt, maio-  
 rem enim feri acrimonis & contagii ad intestina affluxum  
 invitant & loco sperati levaminis malum exasperant.  
 Sufficit contagii acrimoniam & in primis viis & sangui-  
 nea massa præsentem corrigere, obtundere & leniter  
 abstergere, positivam vero excretionem magis ad cor-  
 poris superficiem dirigere, quo feri acrioris ad intesti-  
 na affluxus ab iisdem avocetur & ad halituosam super-  
 ficiei corporis excretionem invitetur. Priori corri-  
 gendi & abstergendi intentioni quadrant remedia ab-  
 for-



forbentia polychrestis laxantibus maritata v. g. ocul. cancr. præparat. cum rhabarb. matr. perl. cum pil. balsam. mixta, nitro iisdem parca dosi addito. Posteriori vero conveniunt eadem absorbentia cum diaphoreticis fixis & parciore nitri dosi coniuncta, nec non aquæ diapnoicæ v. g. scord. scorz. scabios. cich. fl. galeg. &c. cum eiusmodi pulveribus exhibitæ, conceduntur maxime essentiæ alexipharmacæ temperatæ vinetox. pimp. alb. scord. quæ pulveribus & potionibus intillari pro rei necessitate possunt.

§. XXI.

Symptomatum etiam habeatur ratio necesse est, quæ fide dignis & experientia probatis anodynis mitigari possunt, intrinsecus pulvere ex Massa Pilul. de cynogl. cum corall. & cascaril. parato, extrinsecus fomentis, linimentis & epithematibus calidis nervinis v. gr. Aqua regin. Hungar. linteo excepta & calide imposita vel spiritus vini camphoratus aut simplex rectificatissimus cum oleo menth. recte abdomini & balsam. Scherz. scrobiculo cordis applicatus. Non parum hic confert potus sufficiens, quia graviter sitiunt. Potest vero pro potu ordinario exhiberi emulsio amygd. dulc. cum decocto avenaceo parata vid Crat. Cons. 12. ita & serum lactis dulce secundum inventionem Illustr. D. Præsidis vel lac cum aqua Selterana mixtum, de quo Illustr. D. Præses notabile in ægris levamen observavit. Fortis Consult. cap. II. p. 245. in dysenteria, modo non adeo vehemens adlit febris, adhibere iubet feri lactis uncias decem, quatuor horas ante cibum, quod Hippocrat. adfirmavit. Probata etiam efficaciam est decoctum avenaceum cum pedibus vervecinis copioso potu assumptum, vel etiam per clysteres infusum. In diarrhæa biliosa cum siti exquisitissima præscripsit Rive-



rius sal prunellæ in potu ordinario Cent. I. obs. 33. sed cautela opus est.

### §. XXII.

Requiritur vero etiam debita in lecto continentia, qua transpiratio mali solutionem maxime perficiens admodum fovetur, inquieta vero in lecto iectigatio eam impedit & symptomata auct. Hinc ad alvum evacuandam satius est supponere instrumenta, quam surgere, quia non modo plantæ pedum facile refrigerantur, sed turbatur etiam continentia & diaphnoica excretio. In benigna vero dysenteria sufficit, quando ægrotus vestimentis laxioribus (mit einen Schlaff-Rock) & tibialibus tectus est, ne refrigerationem propter frequentem surgendi necessitatem patiatur, & pro eadem intentione vasa excrementa excipientia aqua calida infundatur. Vires etiam cum in hoc affectu prostratæ sint, remediis diaphoreticis jungantur analeptica, tinctura corall. & subacida, aqua cinomom. cydon. mixtura simplex &c. Denique sub declinatione huius mali conferunt roborantia & partium debilitatarum tonum restituentia, qualia sunt ex vegetabilibus radices ac herbæ amaræ & aromaticæ, rad. galang. zedoar. gent. rbr. herb. absynth. C. B. cent. min. scord. &c. cort. aurant. e quibus essentia, electuaria, infusa & alia parari possint, quæ huic intentioni satis congrua existunt.

### §. XXIII.

Quæstio inter Practicos agitur, num in hac febre vel etiam in dysenteria benigna venam secare liceat? ubi affirmativæ sententiæ negativa omnino præferenda, nisi in primo statim morbi principio circumstantiarum peculiaris ratio eam permittat. Recenset Amatus Lusitanus Cent. II. obs. 48. exemplum Abbatis obesi, temperamenti sanguinei, multo vini potui dedi-

ti,



ti, dysenterica febre laborantis, qui a sola V. S. in brachio & sanguine ad uncias quinque, misso melius habuit & paucis adhibitis remediis, intra paucos dies restitutus. Sydenham eodem forsan fundamento innixus venam cubiti in principio dysenteriae secare iussit. Vid. oper. p. iij Confer. etiam Riverius Cent. ij. obser. 37. de V. S. Nec minor de vomitoriis est disputatio, quæ non nulli tanti faciunt, ut sine iisdem dysenteriam curare nolint. Illud tamen certissimum est, quod in statu morbi summo & præsentem ad inflammationem dispositione, magis noxam inferant, quam proficua sint: principio vero, quando ventriculus cruditatibus turgat, licet deiectiones cruentæ adsint, radix ipecacuanhæ ad dimidium drachmæ cum oculis cancerorum, mixta & exhibita, imo altero die repetita, in subiectis robustioribus observatur proficua, & sedes reddit longe parciore.

#### §. XXIV.

De nitri usu notandum est, quod circumspicius esse debeat. Si calor & æstus in febre urget gr. j. ij. pro dosi pulveribus, diaphoreticis vel eiusmodi etiam potionibus multa cum utilitate addi possunt: Contra vero, si partes iam præsumuntur excoxiatæ, usus eius consultius omittitur, ne tormina iam summe dolorifica magis exacerbentur. Nullo autem modo in eiusmodi excoxiationibus ex quorundam sententia herbæ vulnerariæ proficua sunt, ex quorum usu potius maximas anxietates provenisse Ill. D. Præses observavit. Tenesmus si urget, febre clysterum usum concedente, mucilago sem. cydon. ad unciam unam clysteri ex furfuribus tritic. fl. cham. vitello ovor. & sevo hircin. cum sero lactis composito addi potest. Vel etiam fatus & vapores in anum suscepti ex fl. sambuc. cum aqua decoctis eximium levamen



vamen adferunt, vid. Pelarg. p. 37. anno 1722. vel etiam lateres calidi ægrotis subiecti tenesmum sedare testatur experientia. Vini potus moderatus, quem etiam §. 27. commendavimus, in febre hac non interdicens, sed suadendus potius est, sed vinum sit nobile & generosum necesse est, crudum enim & acidum nocet. Specifica denique quod attinet magnus omnino eorum est apparatus, quæ multis præclaris nominibus efferuntur, sed raro decantatis elogiis in praxi respondent. In his est crySTALLUS montana, quæ præ reliquis absorbentibus nullum specificum effectum comprobavit, præsertim si malum ortum sit a contagio, in deiectionibus vero viridescentibus ab acrimonia acida ortis, cum cascaril. egregius eius usus est. Bontig de medicina Indor p. 128. crocum ceu verissimum antidotum æstimat, & notat, non posse ullum excogitari humana industria exquisitius. In quantum vero hoc eximium de croco prædicatum veritati congruum existat, ulteriori Medicorum observationi & experientiæ rerum optimæ magistræ commendatur & veritas inclarescet.

